

鳳池園集

三

鳳池園詩集目錄

第六卷 五言排律

瀛臺宴賚紀恩百韻

首春懋勤殿應制

乙丑正月兩應 御試賜膳紀恩

瀛臺召賜池魚紀恩次莊澹菴前輩韻

石存齋侍御尊人雙壽

趙天羽寄寄園讌集

壽杜肇餘少宰母夫人七十

鳳池圖詩集卷六目錄
壽魏柏鄉相國

壽外舅張麗黼封翁七十

壽湯潛菴前輩六十

壽宋蓼天冢宰

遣禮臣步禱東嶽廟紀事

贈前輩張素存院長

大梁署中浣花樓晚眺

恭祝 萬壽無疆詩

壽外舅八十

壽孝感熊座主七十

七言排律

送于子先僉憲督學粵東

壽于萊公中丞

鳳池園詩集卷六



長洲顧
汧芝巖著

五言排律

瀛臺宴賚紀恩百韻

有序

皇上御極二十年秋七月壬申駐蹕瀛臺 召賜

閣部院大臣翰詹科道部郎等官表裏筵
宴及蓮實菱藕甚盛典也臣汧謹拜手稽
首颺言曰蓋聞天地交泰能濟屯以居亨
喜起賡歌遂戡亂而爲治故鹿鳴魚麗之

什繼以車攻即司勲接服之官亦屬夏政
乃盛世不去五兵之用遑敢宴安惟王師
旣張九伐之威聿昭底定 九重建策厪
幾載旰食宵衣百職同仇喜此後放牛歸
馬釜魚徒躍蜺虎終禽貍奮滇池奏來新
捷鷹揚爨燹恢我舊疆卜宇內之無虞識
天顏之有喜時當燕衍序屬新秋集鷓鷯于龍池
仙舟縹緲啓篚筐于鳳閣貝錦編爛錫賚
有加燕私尤渥紫霞杯裏傾來北海瓊漿

青玉案前坐對西山爽氣華筵臨水爐煙
雜蘭蕊齊芬溫語自天美酒偕湛恩交醉
壺觴旣洽品核均頒懷肉嘗羹風斯邈矣
蔗漿桂醕禮或踰焉澤逮小臣躬逢異數
分內獲之百味幸附清班沾湛露于九臯
式歌盛事五言恭賦百韻敬呈庶幾獻魚
藻之章亦豫鳴鐃吹之樂云爾

聖澤周無外 皇威震不虔昇平徵有象燕喜兆
開先 廟算兼三略佳兵出萬全虎臣方變伐蟻

穴豈迤邐吉日揚我武膚公奏自滇昆明聞唱凱
南詔旋摧堅圖獻重圍勢風清萬里煙成康多誕
誥文景制中權自昔膺艱大緣茲怙寵延武功已
遠播文德更相宣將輯征苗旅還譌燕鎬篇蒼黎
切望治堂陞劇垂憐澤待鴻飛渚恩先鷺序聯
宸襟宜悅懌秋氣始澄鮮漸覺煩歎遠因瞻景物
妍層臺多爽塏水榭亦安便樹作龍吟嘯橋分霓
蜿蜒隔林煙漠漠鋪地草芊芊古檜擎雲蓋新蘆
出水荃迎薰來肅爽太液注潺湲交簇銀塘荇飄

搖玉井蓮似緋紅蓼集如帶綠蘋牽秘閣凌霞表
觚稜仰樹顛塗茨新氣象築渚曲連卷魏闕因原
勢迴廊借水沿亭亭五鳳輦隱隱六龍輶旭日離
宮永涼颺別館偏羽林更傑直綵仗倚連駢萬象
俱清穆三秋正潔蠲垂衣行幄迴當食 睿情遷

補袞山龍職和羹鼎鼐賢鹽梅求傳築纁帛起莘
田欲並資羣策相期濟巨川懋勤惟一德寵錫有
常員傳勅來廷彥連翩集細旃鳴珂零露重結綬
德星躔苑外分鑣駐池邊曳履填袂聯青雀舫簪

盍木蘭舡錦纜隨汀轉輕橈繞樹塞恍疑明鏡裏
似向閨風巔儼列參槐棘趨承滿甌甌織文發帑
內上幣散雲邊綠綺蒲桃麗黃綈藻火娟錦江濯
雉采象郡貢蠶綿杼奪天孫巧名從內府編分班
齊拜惠長跽共擎拳什襲榮 君賜烹鮮敞玳筵
廷僚皆授几禁臠競陳籩八簋官厨倍三漿仙品
傳嘉肴嘗始遍膾鯉味尤專灤水銀絲鯽襄陽縮
項鯢終輸靈沼種還遜內庖煎飽食叨陳饋醇醪
又滿捲且宜蓬島步隨意上林穿橋畔蘭薰佩枝

間露咽蟬夢蕭多譽處旨酒足流連 天語重申

吳臣心益拱乾蘭陵浮玉竿甘露浥金泉暫簡儀
三百真堪價十千尊嚴堂陞勢親切禁庭前考禮
逾三爵銜恩過八磚却宜歌秩秩矧敢舞僊僊綺
席誠優渥羣工畏踣躄賓筵旣醉止大賚更駢闐
紫萼千莖戢青房百顆圓風翻裏芟葉寒浸采菱
船雪藕靈根折晶盤玉腕攀安排高帳殿稠載溢
花韉戀賞秋陽暮呼嵩法服褰歡聲擁歸路備物
欲摩肩共挈青絲籠同垂白玉鞭懷恩薦俎豆紀

事雜丹鉛幸獲嘉魚賜欣邀蜀錦纏素絲臣節凜
珍饌衆心鐫汾水追當日柏梁憶往年一朝饗秘
苑千載誌良緣 盛德靡加矣微臣忝與焉沾濡
同覆幬報稱懼臨淵賦陋俳優比詩將雅頌研材
慙冀野駿質愧豫章梗求道知希哲持躬冀免愆
以茲常悚惕何意荷陶甄被服榮華袞遺羹勝鬻
饌已叨膳宰饋復費水衡錢志豈存溫飽書思侍
誦弦庶幾承正學未易得真詮無路招南越常懷
繫罕开猥蒙頒燕饗轉念息戈鋌湯網開三面堯

封造二天德風邊草偃化日羽干懸禮樂仍明備
瘡痍悉棄捐木牛勉饋運里布不征屨仕道無涖
品官方歸掌銓除殘去乳虎布德慰饑鳶挾纊周
邊徼恩酺徧幅幘會須韜劒戟何用卜筵蓍減澤
如江漢仁風接澗瀍大猷臻蕩蕩王道底平平
文運逢清泰新詞被管絃好開麟閣待還進彩雲
箋

首春懋勤殿應制

青郊迴淑景紫禁轉洪鈞建斗寅爲首旋乾道在

因寒消巢鳳閣冰泮躍龍津點雪宮梅綻含風苑
柳勻仙盤初浥露瑞鳥早啼春旭旦衣垂袞斜陽
脯擘麟心勤堯舜協德懋禹湯隣曆象乘時授絲
綸煥日新揮毫宸藻麗展卷御題親屏列千
秋鑑圖陳七月豳迎暉同寸草載筆愧微臣常仰
天行健瑤編頌聖神

乙丑正月兩應御試賜膳紀恩

綸閣朝初罷彤廷詔復宣承恩登下里步武
接高賢日麗光彌迴風和景倍妍
紫霞深護殿青

柳早縈鞭親切雲霄上迴翔帷幄邊命題書自

聖含笑色開天鳳尾裁斑管龍團錫玳筵硯分金
井水墨灑烹泥箋寵渥恩加數溫和語更傳春

從禁禦艷饌出內庖鮮霧密香難鼎輝分燭賜蓮
詩成青瑣闥詞附白雲篇暖閣驚傳入花壇召近
前科名詢甲乙版籍對延緣榮問雙親舍階叨五
品員更慙秋蚓陋曲荷袞褒偏作誦思山甫窮經
愧伏虔洪波逾十載微秩已三遷儒術誠何有心
傳益邈焉瞻顏欣就日曳履惧臨淵銀鑰宮門

鳳洲詩集卷六
六
啓銅壺夜漏懸曹劉方並駕燕許幸隨肩雨露潛
滋地星辰聚拱乾謬將蠡測海敢謂筆如椽

瀛臺召賜池魚紀恩次莊澹菴前輩韻

上苑連丹禁天池接錦塘昆明休戰檝地軸盡金
湯幸值宸遊近應知輦路香風翻旂罕赤雲護

御袍黃萸葉浮堯酒榴花映舜牆泉疑通碧落
曲度奏滄浪令節天中過仙舟太液翔銀河千頃
動瓊島百花芳網結鯨波濶綸垂虹彩長烹鮮持
作鱠尚食自流肪式宴歌嘉旨和羹思贊襄成周